



National Council of NGO's

Baraza la Taifa la NGOs/ S.L.P 2838 Dodoma
| Email: info@nacongo.or.tz | Web: www.nacongo.or.tz

TAARIFA KWA WANACHAMA NA WADAU WA SEKTA YA MASHIRIKA YASIYO YA KISERIKALI KUHUSU UCHAGUZI MKUU WA BARAZA LA TAIFA MASHIRIKA **YASIYO YA KISERIKALI (NaCoNGO) APRILI HADI JUNI, 2024**

Baraza kupitia kamati Tendaji limepitisha mpango kazi wa utekelezaji kazi za NaCoNGO kwa mwaka 2024 tarehe 15 Machi 2024. Moja ya vipaumbele ni uchaguzi mkuu wa Baraza La Mashirika Yasiyo ya Kiserikali kwa awamu ya 2024-2027 unaopangwa kufanyika kuanzia Aprili hadi Juni 2024.

Wakati huo huo Bodi ya Uratibu ya Mashirika Yasiyo ya Kiserikali katika kikao chake kilichofanyika tarehe 14 Machi 2024 kilijadili na kuridhia kupitia tangazo lilitolewa tarehe 15 Machi 2024 kama ilivyokaririwa kuridhia kwa kuanza kwa mchakato wa Uchaguzi Mkuu wa NaCoNGO, Kama ilivyochezwa katika Barua ya Mwenyekiti wa Bodi ya Uratibu wa Mashirika Yasiyo ya Kiserikali na maelekezo ya mchakato kua taratibu na maelekezo ya mchakato wa Uchaguzi yatatolewa rasmi. NaCoNGO inapenda kuchukua fursa hii kuwajulisha wanachama na wadau wake yafuatayo:

1. Kwa mamlaka kutoka kwenye Tangazo la Serikali Na. 95, 2016 (Sheria ya Mashirika Yasiyo ya Kiserikali Sura ya 56: - Kanuni za uchaguzi za NaCoNGO zilizotengenezwa chini ya kifungu cha 27 (1)), Baraza limejipanga kuhakikisha kuwa uchaguzi huu unakuwa huru, wa haki na wa kidemokrasia.
2. Baraza kupitia Kamati Tendaji, Januari, 2024 imewasilisha kwa Bodi ya Uratibu wa Mashirika Yasiyo ya Kiserikali bangokitita cha marekebisho madogo ya kanuni za uchaguzi wa NaCoNGO (schedule of amendment for the minimum reforms on NaCoNGO election regulations, cap 56 of 2016) (Kiambatanisho

Na.1). Marekebisho haya yanagusia kuongeza ufanisi katika uratibu, usimamizi, uhuru na demokrasia wakati wa Uchaguzi Mkuu wa NaCoNGO. Moja ya mapendekezo hayo ni; -

- a. Uhitaji wa kua na Kamati huru ya kisekta ya Uchaguzi Mkuu wa NaCoNGO, upatikanaji wa fomu, ada za uchaguzi, muundo wa Baraza (i.e. vigezo, idadi na nafasi ya viongozi yaani- nafasi ya mwenyekiti, Katibu na mweka hazina n.k).
- a. Nafasi ya Wizara na ushiriki wa Serikali na wadau wengine katika uangalizi (election observation) wakati wa Uchaguzi Mkuu wa NaCoNGO pia umepewa kipaumbele kwenye mabadiriko hayo madogo wa uchaguzi mkuu NaCongo nk.

Kwa hivyo basi, Baraza kuitia vikao vyake vya kisera vinavyotarajiwा kufanyika siku za usoni, linatazamia kukamilisha mchakato huo kwa wakati ili mabadiriko hayo yaweze kuja kwa wakati ili kuwezesha maandalizi ya shughuli za Uchaguzi Mkuu wa NaCoNGO katika kipindi cha Aprili hadi Juni 2024.

Kwa kuendelea kusubiria mchakato wa mabidiriko hayo madogo, Baraza linaomba wanachama na wadau wake kuanza kujianaa kikamilifu kuhakikisha uchaguzi ujao unaleta manufaa Chanya na mageuzi makubwa kwenye Baraza jipya kuanzia Julai, 2024.

Tunatoa wito kwa wanachama, na wadau wote kuendelea kufuatilia taarifa hizi na kushiriki kikamilifu katika mchakato huu na kuhakikisha kuwa sauti zao zinasikika na maslahi yao yanawakilishwa ipasavyo.

Kwa maelezo zaidi kuhusu Uchaguzi huu na miongozo ya uchaguzi, Baraza litaendelea kutoa taarifa kupitia vyombo rasmi vya Baraza.

Asanteni.

Imetolewa na

A handwritten signature in black ink, appearing to read "Badi", is centered above a horizontal dotted line.

Dr. Lilian Badi

Mwenyekiti- Baraza la Mashirika Yasiyo ya Serikali (NaCoNGO)

Tarehe: 18 Machi 2024

Barua Pepe: info@nacongo.or.tz

Website: www.nacongo.or.tz